




**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FBiH
SARAJEVO**



Ložionička 3, 71000 Sarajevo, Tel: + 387 (0)33 723 500, Fax: 716 400, www. saifbih.ba, e-mail: urrevfed@bih.net.ba, saifbih@saifbih.ba

UR: 011-01 ; 034- 01 /07


**IZVJEŠTAJ
O REVIZIJI FINANSIJSKIH IZVJEŠTAJA
na dan 31.12.2006. godine**

**FEDERALNO MINISTARSTVO TRGOVINE
MOSTAR**

Sarajevo, mart 2007. godine



**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FBiH
SARAJEVO**



Ložionička 3, 71000 Sarajevo, Tel: + 387 (0)33 723 500, Fax: 716 400, www. Saifbih.ba, e-mail: urrevfed@bih.net.ba, saifbih@saifbih.ba

**MENADŽMENTU
FEDERALNOG MINISTARSTVA TRGOVINE
MOSTAR**

NEZAVISNO REVIZORSKO MIŠLJENJE

1. Obavili smo reviziju finansijskih izvještaja **Federalnog ministarstva trgovine**, iskazanih na stranicama od 1 do 7, na dan 31.12.2006. godine. Za ove izvještaje odgovoran je menadžment Federalnog ministarstva trgovine. Naša odgovornost se svodi na izražavanje mišljenja o tim finansijskim izvještajima na osnovu provedene revizije.
2. Reviziju smo obavili na osnovu ovlaštenja u skladu sa Zakonom o reviziji institucija u FBiH ("Službene novine FBiH", broj 22/06), i sa INTOSAI međunarodnim revizorskim standardima. Ovi standardi zahtijevaju planiranje i obavljanje revizije tako da revizija pruža razumno uvjerenje o tome ima li u finansijskim izvještajima značajnih pogrešaka, kao i da li su finansijske transakcije izvršene u skladu sa zakonskim propisima. Revizija je uključila ispitivanja, testiranje i prikupljanje dokaza koji potkrepljuju iznose i objave u finansijskim izvještajima. Revizija je također obuhvatila ocjenu primijenjenih računovodstvenih načela, vrednovanje sveukupne prezentacije finansijskih izvještaja, kao i ocjenu primjene propisa. Vjerujemo da je provedenom revizijom prikupljeno dovoljno dokaza kako bi se stvorile pouzdane osnove za izražavanje našeg mišljenja.
3. Nakon obavljene revizije finansijskih izvještaja na dan 31.12.2006. godine, skrećemo pažnju na sljedeće:
 - **iskazani prihodi u pomoćnim evidencijama ministarstva nisu usaglašeni sa evidencijama u Glavnoj knjizi Trezora, zbog čega se ne može potvrditi da su svi iskazani naplaćeni prihodi u pomoćnim evidencijama i uplaćeni na Jedinствeni račun Trezora,**
 - **neuspostavljanje adekvatne evidencije i utvrđivanje ukupnih potraživanja po osnovu izdatih pravomoćnih i izvršnih rješenja o naplati novčnih kazni i troškova prekršajnog postupka od strane Ureda za prekršaje, u skladu sa Zakonom o prekršajima kojima se povređuju federalni propisi („Sl. novine FBiH“, broj 9/96 i 29/00),**
 - **nerealizovanje odobrenih, Budžetom za 2006. godinu, sredstva u iznosu od 245.000 KM, za nabavku odgovarajućeg servera i izradu softvera, potrebnih za implementaciju Pravilnika o načinu evidentiranja i kontrolu prometa naftnih derivata putem ugrađene opreme u FBiH.**
4. **Po našem mišljenju, finansijski izvještaji, osim za navedeno u prethodnoj tački, daju istinit i fer pregled o finansijskom stanju i rezultatima poslovanja, korisnika budžeta Federalnog ministarstva trgovine za godinu koja završava sa 31.12.2006. godine.**

**Zamjenik generalnog revizora
Branko Kolobarić, dipl.oec.**

**Generalni revizor
Mr.sc. Ibrahim Okanović, dipl. oec.**

IZVJEŠTAJ

O OBAVLJENOJ REVIZIJI FINANSIJSKIH IZVJEŠTAJA FEDERALNOG MINISTARSTVA TRGOVINE za 2006. godinu

1. UVOD

Federalno ministarstvo trgovine (u daljem tekstu: Ministarstvo), osnovano je Zakonom o federalnim ministarstvima i drugim tijelima federalne uprave («Sl. novine FBiH», broj 13/03, 38/05, 2/06, 08 /06 i 61/06). Izmjenama i dopunama Zakona o federalnim ministarstvima i drugim tijelima federalne uprave iz februara 2006. godine, došlo je do smanjenja nadležnosti i izmjene u nazivu ministarstva tako da se poslovi iz nadležnosti turizma izvršavaju u novoosnovanom Federalnom ministarstvu okoliša i turizma, a Federalno ministarstvo trgovine i turizma je postalo Federalno ministarstvo trgovine.

Ministarstvo vrši upravne, stručne i druge poslove iz nadležnosti Federacije koji se odnose na: trgovinu, funkcionisanje jedinstvenog tržišta, utjecaj privrednog sistema i privredne politike na tržište roba i usluga, odnose ponude i potražnje, cijene roba i usluga, zaštitu potrošača i druge poslove utvrđene zakonom.

Ministarstvom rukovodi ministar, kome u radu pomažu: sekretar, savjetnici, pomoćnici, glavni federalni tržišni inspektor i načelnici ureda.

Na dan 31.12.2006.godine, u Ministarstvu je bilo zaposleno 60 uposlenika, Budžetom za 2006. godinu odobrena su sredstva za 66 zaposlenih, dok su Pravilnikom o unutrašnjoj organizaciji sistematizovana radna mjesta za 75 izvršilaca.

Kako je od 01.12.2006. godine, u skladu sa Zakonom o prekršajima u FBiH («Sl. novine FBiH», broj 31/06), Ministarstvu ukinuta nadležnost nad rješavanjem predmeta u prvostepenom prekršajnom postupku a od 01.01.2007. godine, u skladu sa Zakonom o inspekcijama u FBiH («Sl. novine FBiH», broj 69/05) i Odluci Vlade FBiH V broj: 31/2007 od 1. februara 2007. godine, uposlenici Tržišnog inspektorata trebaju preći u Federalnu upravu za inspeksijske poslove, ministarstvo će otpočeti 2007. godinu sa 34 uposlenika.

Sjedište Ministarstva je u Mostaru, u ulici Ante Starčevića bb.

2. OSVRT NA NALAZE PRETHODNIH REVIZIJA FINANSIJSKIH IZVJEŠTAJA

Revizija finansijskih izvještaja od strane Ureda za reviziju institucija u FBiH vršena je za 2001., 2002., 2003. i 2005. godinu.

Na osnovu izvršene revizije finansijskih izvještaja za 2006. godinu, a u sklopu iste i provjere da li je postupljeno po preporukama datim u prethodnim revizijama, konstatovali smo da je Ministarstvo u dobrom dijelu postupilo po preporukama, datim nakon obavljene revizije finansijskih izvještaja za 2005. godinu i izvršene prethodne revizije za 2006. godinu u dijelu evidencija naknada zaposlenih u skladu sa Uredbom o računovodstvu i Pravilnikom o knjigovodstvu budžeta/ proračuna u FBiH, obračuna i uplate poreza na dodatna primanja zaposlenih u skladu sa Zakonom o porezu na plaću, donošenju normativa utroška goriva po svakom vozilu pojedinačno i kontroli potrošnje goriva, saradnje sa Federalnim ministarstvom okoliša i turizma i Vladom FBiH oko završetka aktivnosti oko prijenosa dijela imovine iz poslovnih knjiga ministarstva u novoformirano Federalno ministarstvo okoliša i turizma, te u dijelu kvalitativnih izmjena Pravilnika o reprezentaciji i poklonima, kao i Pravilnika o postupku direktnog sporazumijevanja sa pojedinačnim dobavljačem, davaocem usluga i izvođačem radova.

Ministarstvo nije u potpunosti postupilo po datim preporukama u dijelu isplata naknada članovima komisija, vođenja adekvatnijih evidencija pravomoćnih i izvršnih rješenja o plaćanju novčanih kazni i troškova

prekršajnog postupka, i njihove naplate, kao i u dijelu poduzimanja aktivnosti prema Federalnom ministarstvu finansija u cilju osiguranja potpunog i blagovremenog uplaćivanja javnih prihoda i naknada na Jedinствени račun Trezora FBiH.

3. CILJ REVIZIJE

Cilj revizije finansijskih izvještaja je da se na osnovu ispitivanja dokumenata, isprava, izvještaja, sistema internih kontrola, računovodstvenih i finansijskih postupaka, te drugih evidencija, izrazi mišljenje o tome da li su finansijski izvještaji pripremljeni, u svakom značajnom pogledu, u skladu sa važećom zakonskom regulativom. Revizija je planirana i izvršena sa ciljem pribavljanja realne osnove da li finansijski izvještaji odražavaju tačan i istinit prikaz poslovanja tokom godine i stanja na kraju godine. Revizija će utvrditi: da li su preduzete sve mjere za osiguranje, ubiranje i čuvanje javnih prihoda i da li se Ministarstvo pridržavalo zakona i instrukcija koje se na njega odnose; da li su isplate javnih rashoda ili korištenje javnih prihoda vršeni po odgovarajućim ovlaštenjima i u svrhe za koje je to ovlaštenje dato.

Cilj revizije je postizanje transparentnosti u radu Ministarstva, kao i javna odgovornost menadžmenta za zakonitost rada, uspješno i efikasno obavljanje, odnosno sprovođenje postavljenih ciljeva. Navedeno će se utvrditi kroz uvid u rad Ministarstva u skladu sa zakonskim i ostalim propisima.

Revizija, također, uključuje davanje preporuka za dalji rad, sa posebnim naglaskom na što efikasniju i ekonomičniju zaštitu imovine i trošenje sredstava, kao i stvaranje podloge za uvođenje, primjenu i što efikasniji rad interne kontrole.

4. NALAZI I PREPORUKE

a) Menadžment i sistem internih kontrola

U skladu sa Smjernicama za uspostavu interne kontrole kod budžetskih korisnika koje je u martu 2005. godine propisalo Federalno ministarstvo finansija, od strane Federalnog ministarstva trgovine su donešene gotovo sve propisane procedure. Revizorski tim je nakon obavljene prethodne revizije konstatovao određene nedostatke koji su se odnosili na nemogućnost funkcionisanja internih kontrola kroz primjenu Pravilnika o reprezentaciji i poklonima i Pravilnika o postupku direktnog sporazumijevanja sa pojedinačnim dobavljačem, davaocem usluga i izvođačem radova, koje primjedbe je ministarstvo otklonilo do vremena izvođenja konačne revizije za 2006. godinu.

U širem smislu, segment kontrole je inkorporiran u sve aktivnosti Ministarstva kroz Pravilnik o unutrašnjoj organizaciji i sistematizaciji radnih mjesta, te ostala normativna akta, koja uposlene obavezuju na poštivanje propisa i utvrđenih postupaka za poslove i zadatke radnog mjesta, kako bi se poslovi i aktivnosti Ministarstva obavljali na zakonit i transparentan način.

U skladu sa pravima i obavezama koje su date Zakonom o trgovini ministarstvo je u 2006. godini uradilo izmjene i dopune Pravilnika o načinu evidentiranja i kontroli prometa naftnih derivata putem ugrađene opreme u FBiH («Sl. novine FBiH», broj 12/2005 i 3/2006), u dijelu produženja roka primjene istog sa 03.09.2006. godine na 03.09.2007. godine, što prema ocjeni revizorskog tima ima uticaja na ostvarenje javnih prihoda po osnovu prometa naftnim derivatima, što smo detaljnije obradili u dijelu izvještaja koji govori o Izvršenju budžeta ministarstva.

Iako je u godini u kojoj je vršena revizija postignut značajan napredak u funkcionisanju sistema internih kontrola, menadžment treba poboljšati kontrolne postupke kod usaglašavanja prihoda sa evidencijom u Glavnoj knjizi Trezora, uspostavljanja evidencije i utvrđivanja ukupnih potraživanja po osnovu izdatih pravomoćnih i izvršnih rješenja o naplati novčanih kazni i troškova prekršajnog postupka, kao i kod isplata naknada za rad u komisijama.

Potrebno je da se radi efikasnog poslovanja, pravovremenog i pouzdanog finansijskog izvještavanja i usklađenosti sa postojećim zakonima i propisima, u potpunosti uspostavi sistem internih kontrola u dijelu usaglašavanja i evidentiranja javnih prihoda, isplata naknada komisijama i dosljedne primjene Pravilnika o načinu evidentiranja i kontroli prometa naftnih derivata putem ugrađene opreme u FBiH.

b) Izvršenje budžeta za 2006. godinu

U prezentiranim finansijskim izvještajima i knjigovodstvenoj dokumentaciji iskazano je sljedeće stanje rashoda ministarstva:

C-to	Vrsta rashoda	Budžet za 2006 godinu	Izvršenje Budžeta za 2006. g	Tekuća rezerva u 2006. g
1	2	3	4	5
611000	Bruto plaće i naknade zaposlenih	1.553.302	1.472.193	10.000
611100	Bruto plaće i naknade	1.135.455	1.133.342	
611200	Naknade troškova zaposlenih	417.847	338.851	10.000
612000	Doprinosi poslodavca i ostali doprinosi	123.637	125.945	2.308
612100	Doprinosi poslodavca	123.637	125.945	2.308
613000	Izdaci za materijal i usluge	513.536	386.227	
613100	Putni troškovi	111.876	95.141	
613200	Izdaci za energiju	11.300	8.256	
613300	Izdaci za komunalne usluge	91.990	49.519	
613400	Nabavka materijala	52.300	32.889	
613500	Izdaci za usluge prijevoza i goriva	82.700	69.331	
613600	Unajmljivanje imovine i opreme	38.400	36.333	
613700	Izdaci za tekuće održavanje	43.300	37.777	
613800	Izdaci za osiguranje, bankarske usluge	18.400	10.319	
613900	Ugovorne usluge	63.270	46.662	
614000	Tekući transferi	30.000	30.000	
614200	Potpoma udruženjima potrošača	30.000	30.000	
821000	Izdaci za nabavku stalnih sredstava	245.000	-	
821300	Nabavka opreme	245.000		
Ukupno rashodi i izdaci		2.465.475	2.014.365	12.308
Planirani broj uposlenih				66
Broj uposlenih na dan 31.12.2006.godine				60

Izvršenje ukupnih troškova ministarstva, na dan 31.12.2006. godine, iznosi 2.014.365 KM što u odnosu na operativni budžet od 2.477.783 KM predstavlja ostvarenje od 81,3 %. Ostatak neutrošenih sredstava u iznosu od 463.418 KM na predviđenim pozicijama za isplatu bruto plaća i naknada troškova zaposlenim (91.109 KM), izdacima za materijal i usluge (127.309 KM) i nabavku opreme (245.000 KM) posljedica je neadekvatnog planiranja i nerealizovanja predviđenih sredstava za nabavku opreme.

Izdaci za plaće, naknade troškova zaposlenih i doprinose poslodavca isplaćeni su u iznosu od 1.598.138 KM, a odobreni u iznosu od 1.689.247 KM, što je za 91.109 KM ili 5,3 % manje od odobrenih sredstava. Sredstava za navedene izdatke odobrena su za 66 uposlenih, a u toku 2006. godine prosječan broj zaposlenih na osnovu radnih sati iznosio je 60, koliko je i radilo u Ministarstvu na dan 31.12.2006. godine, što je jedan od razloga manje realizovanih sredstava u odnosu na odobrena sredstva za ove namjene.

Ministarstvo je u 2006. godini na ime **naknada za rad u komisijama ukupno isplatilo 27.497 KM u neto iznosu, odnosno 35.883 KM u bruto iznosu**. Nakon uvida u prezentiranu dokumentaciju vezanu za rad komisija čijim članovima je isplaćena naknada za rad, konstatujemo da se iz priložene dokumentacije nije moglo potvrditi da su komisije svoj rad obavljale nakon radnog vremena i da su prilikom utvrđivanja visine naknade postojali propisani kriteriji, kako to reguliše Vladina Odluka o načinu obrazovanja i visini naknade za rad stručnim komisijama i drugih radnih tijela osnovanih od strane Vlade FBiH i rukovoditelja federalnih organa državne službe («Sl. novine FBiH», broj 39/04 i 41/05). Skrećemo pažnju na isplatu naknade za rad članu Radne grupe za integrisano upravljanje granicom u BiH u neto iznosu od 2.200 KM za proteklu godinu, formirane od strane Vijeća ministara BiH, bez podnesenog izvještaja o radu, kao i naknada za rad komisije koja je za Vladu FBiH pripremila Odluku o raspodjeli Transfera za potporu udruženjima potrošača, za poslove koji su u nadležnosti ministarstva, tj. organizacione jedinice Ureda za zaštitu potrošača.

Propisati kriterije i način ostvarivanja naknade za rad u komisijama koje se formiraju od strane ministra, preispitati opravdanost iznosa isplaćenih naknada i obezbijediti da komisije, čiji članovi za svoj rad dobivaju naknadu taj rad obavljaju nakon radnog vremena.

Izdaci za materijal i usluge u 2006. godini izvršeni su u iznosu od 386.227 KM, a odobreni u iznosu od 513.536 KM, što je za 127.309 KM ili 24,8 % manje od odobrenih sredstava, koji razlog treba tražiti u nerealnom planiranju budžetskih sredstava za ove namjene.

U okviru izdataka za materijal i usluge, putni troškovi ministarstva izvršeni su u iznosu od 95.142 KM. Uvidom u dokumentaciju, konstatovali smo da je za službeno putovanje ministra i savjetnika ministra (odlazak na sajam u Milano i Prag) angažovana turistička agencija «Fortunatradetours» d.o.o. Mostar. Za troškove ovog službenog putovanja ukupno je utrošeno 10.223 KM, od čega je turističkoj agenciji isplaćeno 8.252 KM, a iznos od 1.971 KM na ime dnevnica i ostalih troškova.

Na osnovu prezentirane dokumentacije, konstatujemo da sa ovom turističkom agencijom nije zaključen ugovor, te da za ovu vrstu pružanja usluga (angažman oko smještaja, angažman oko prijevoza na službenom putovanju u inozemstvu) nije proveden postupak odabira u skladu sa odredbama Zakona o javnim nabavkama u BiH.

Osigurati dosljedno poštivanje odredbi Zakona o javnim nabavkama u BiH.

Ministarstvu su Budžetom za 2006. godinu odobrena sredstva u iznosu od 245.000 KM, za kupovinu odgovarajućeg servera, kao i izradu softvera koji je trebao da omogući svakodnevno praćenje i kontrolu prometa na svim benzinskim pumpama u FBiH i obradu dobivenih podataka u zadatom izvještajnom obliku.

Odredbom člana 21. Pravilnika o načinu evidentiranja i kontroli prometa naftnih derivata putem ugrađene opreme u FBiH (u daljem tekstu: Pravilnik), («Sl. novine FBiH», broj 12/2005 i 3/2006) utvrđena je obaveza preduzeća, koja vrše promet naftnim derivatima i ostalih proizvoda i usluga na malo, da najkasnije 18 mjeseci od stupanja na snagu ovog Pravilnika, na benzinskim pumpama ugrade i započnu sa evidentiranjem prometa putem elektronskih mjernih sistema i elektronske opreme za obavezno izdavanje računa kupcima na način da ista omogući slanje kontrolnih izvještaja. Pošto je Pravilnik stupio na snagu 03.03.2005. godine, rok za primjenu istog je isticao 03.09.2006. godine.

Nakon uvida u dokumentaciju, revizorski tim konstatuje da u 2006. godini ministarstvo nije realizovalo budžetom odobrena sredstva za nabavku softvera u iznosu od 245.000 KM jer tender za izradu softverskog rješenja nije ni objavljen, ali je 28. jula 2006. godine ministar donio Pravilnik o izmjenama i dopunama gore navedenog Pravilnika («Sl. novine FBiH», broj 46/06) a kojim je produžio rok iz člana 21. sa predviđenih 18 mjeseci na 2 godine i 6 mjeseci, tako da u skladu sa novim rokom, ugradnja opreme i evidentiranje prometa putem automatskog mjerača nivoa tečnosti treba započeti najkasnije 03.09.2007. godine. Od strane odgovorne osobe ministarstva, revizorski tim je dobio obrazloženje da je na odgađanje primjene navedenog Pravilnika uticalo i to što je u toku izrada ovakvog pravilnika od strane Uprave za indirektno oporezivanje na nivou BiH, te da su sredstva u istom iznosu i za iste namjene planirana i Budžetom FBiH za 2007. godinu.

Imajući u vidu sve gore navedeno, kao i to da su prošle gotovo dvije godine od početka izrade ovakvog pravilnika na državnom nivou, a da još uvijek nema realnih pokazatelja kada će isti biti i donešen, ne možemo potvrditi opravdanost produženja roka primjene ovog Pravilnika na federalnom nivou, a posebno imajući u vidu uticaj neprimjenjivanja istog na ostvarenje javnih prihoda po osnovu povećane kontrole prometa naftnih derivata.

Preispitati opravdanost produženja roka za ugradnju opreme i evidentiranje prometa putem automatskog mjerača nivoa tečnosti i poduzeti sve mjere u cilju nabavke servera i aplikativnog softvera koji će omogućiti svakodnevno praćenje i kontrolu prometa na svim benzinskim pumpama u FBiH prije isticanja zadatog roka u 2007. godini.

c) Prihodi

Prema prezentiranim evidencijama Ministarstva, u 2006. godini obavljanjem redovnih djelatnosti organizacione jedinice ministarstva su ukupno iskazale 5.786.291 KM prihoda koji su, u skladu sa Pravilnikom o načinu uplate javnih prihoda budžeta i vanbudžetskih fondova na teritoriji FBiH ("Sl. novine FBiH", broj 29/06, 46/06 i 08/07) trebali biti uplaćeni na Jedinstveni račun Trezora FBiH (u daljem tekstu: JRT), te predstavljaju javne prihode Federacije. Samo dio od ostvarenih javnih prihoda, u skladu sa postojećim propisima, ima tretman vlastitih prihoda a prema analitičkoj bruto bilansi ministarstva na dan 31.12.2006. godine iskazani su u iznosu od 13.970 KM.

Prilikom obavljanje prethodne revizije ministarstva za 2006. godinu, revizorski tim je konstatovao da poslovi vođenja evidencija o naplati novčanih kazni i troškova prekršajnog postupka nisu u dovoljnoj mjeri uređeni, te da se to negativno odrazilo na naplatu istih, a time i na unos naznačenih sredstava u Budžet FBiH. Navodimo podatak da je, prema pomoćnoj evidenciji ministarstva, u prvih 10 mjeseci 2006. godine, od ukupno izrečenih novčanih kazni i troškova prekršajnog postupka u iznosu od 232.900 KM naplaćeno samo 53.828 KM (ili 23,2 %).

Odlukom Visokog sudskog i tužilačkog vijeća od 01.12.2006. godine počela je primjena Zakona o prekršajima FBiH, kojom su uredi i komisije za prekršaje federalnih organa uprave prestali raditi a predmeti u kojima do dana početka primjene ovog Zakona nije završen postupak trebaju se dostaviti nadležnim općinskim sudovima na rješavanje.

Na osnovu uvida u prezentiranu dokumentaciju i obavljenog intervjua sa odgovornom osobom, revizorski tim konstatuje da još uvijek nije izvršena službena primopredaja predmeta, te da nemaju utvrđeni plan dinamike, pripreme i predaje predmeta nakon prestanka rada ureda i komisija u federalnim organima uprave, odnosno Federalnog vijeća za prekršaje koji su rješavali u prvostepenom, odnosno drugostepenom prekršajnom postupku, iako je od strane Visokog sudskog i tužilačkog vijeća upućivano Federalno ministarstvo pravde da pripremi plan kojim bi se obezbijedilo sistematično i uredno prenošenje predmeta, namještaja i opreme iz institucija koje se zatvaraju, u općinske i kantonalne sudove. Nismo mogli doći do informacije da li je, u skladu sa Zakonom o prekršajima FBiH, uspostavljen Registar novčanih kazni, u koji se trebaju evidentirati sve neplaćene novčane kazne i troškovi postupka.

Kako ministarstvo nije raspolagalo sa adekvatnim evidencijama, revizorski tim nije u mogućnosti utvrditi finansijski iznos niti broj pravomoćnih i izvršnih rješenja o plaćanju novčanih kazni koje je izdao Ured za prekršaje, za koje je ministarstvo bilo dužno da do primjene Zakona o prekršajima FBiH ("Sl. novine FBiH", broj 31/06) poduzima zakonski predviđene korake u cilju naplate istih.

Nakon obavljene revizije ministarstva, revizorski tim ne može potvrditi da su iskazani prihodi u pomoćnim evidencijama ministarstva i uplaćeni na JRT jer od strane ministarstva nije izvršeno usaglašavanje istih sa evidentiranim prihodima u Glavnoj knjizi Trezora. Usaglašavanje prihoda je izvršeno samo za naplaćene prihode po osnovu naknade za polaganje stručnog špediterskog ispita koji su u 2006. godini ostvareni u iznosu od 30.800 KM.

Revizorski tim skreće pažnju ministarstvu da je i dalje dužno poduzimati aktivnosti, iz svog domena poslovanja, u cilju usaglašavanja iskazanih prihoda u pomoćnim evidencijama ministarstva sa evidencijama u Glavnoj knjizi Trezora, kao i utvrđivanja ukupnog iznosa potraživanja po osnovu izdatih pravomoćnih rješenja o naplati novčanih kazni i troškova prekršajnog postupka jer je u skladu sa članom 30. Zakona o trezoru FBiH («Službene novine FBiH», broj 19/03) odgovorno za potpuno i blagovremeno uplaćivanje svih javnih prihoda i naknada na Jedinstveni račun trezora.

U saradnji sa Federalnim ministarstvom finansija i dalje poduzimati aktivnosti u cilju praćenja i vođenja evidencije o naplaćenim prihodima, kako bi u skladu sa članom 30. Zakona o trezoru osigurali potpuno i blagovremeno uplaćivanje svih javnih prihoda i naknada na JRT.

U saradnji sa Federalnim ministarstvom pravde, odnosno Federalnim ministarstvom unutrašnjih poslova poduzeti aktivnosti u cilju sistematičnog i urednog prenošenja predmeta na općinske sudove, odnosno evidentiranja svih neplaćenih novčanih kazni i troškova postupka u Registar novčanih kazni, a sve u skladu sa Zakonom o prekršajima FBiH.

5. ZAKLJUČAK

U toku obavljene revizije finansijskih izvještaja Ministarstva za 2006. godinu, konstatovali smo da je ministarstvo u dobrom dijelu postupilo po preporukama datim nakon obavljene revizije finansijskih izvještaja za 2005. godinu i izvršene prethodne revizije za 2006. godinu u dijelu evidencije naknada zaposlenih, obračuna i isplate poreza na dodatna primanja, donošenja normativa i kontrole potrošnje goriva, kvalitativnih izmjena internih akata na koja smo dali primjedbe, kao i završetka aktivnosti oko izrade diobene bilanse ministarstva i novoformiranog Federalnog ministarstva okoliša i turizma.

U narednom periodu, neophodno je da ministarstvo ispoštuje date preporuke, gdje naročito ističemo preporuke vezane za ostvarivanje javnih prihoda, osiguranje poštivanja zakona i instrukcija iz svoje nadležnosti, te dosljedno primjenjivanje donesenih akata i procedura u cilju postizanja transparentnosti i javne odgovornosti u sprovođenju postavljenih ciljeva. Također je potrebno da poduzmete aktivnosti definisane Zakonom o prekršajima FBiH i aktivnosti vezane za prelazak Tržišnog inspektorata u Federalnu upravu za inspeksijske poslove.

KOMENTAR:

Dopisom od 08.05.2007. godine, broj 01-14-1283/07, Federalno ministarstvo trgovine se očitovalo o Nacrtu Izvještaja o reviziji finansijskih izvještaja na dan 31.12.2006. godine.

U navedenom očitovanju, ministarstvo nije imalo primjedbi na konstatovane nalaze.

Viši revizor:

Munib Ovčina, dipl. oec.

Voda tima:

Nasiha Biberović, dipl. oec.

Član tima:

Mira Pažin, dipl. oec.